

Hic Helenam rapuit Menelao cornua linquens  
 & reliquis (Paridum haut sola est ea culpa) maritis:  
 96. iste negat promissa, at nulla hic debita solvit,  
 ingessit diras, maledicta, probra, ille domorum  
 effregisse fores, & perripuisse fenestras,  
 per muros aliquando etiam fodisse notatur:  
 summa, Ausus brevibus Gyaris & carcere dignum,  
 forcipibus, fune, ense, rotâ, fuste, ignibus, undâ:  
 Itur ad hunc Minoa, dies heic dicitur, ille  
 omnibus accessum concedere, & omnibus aures,  
 104. aut velit aut nolit, debet præbere vacivas,  
 si vel res tanti, nec de tribus ipsa capellis  
 caussa foret, quanti fuerat quondam umbra rudentis.  
 „O miseros nimium! nimium afflictissima corda—!  
 „queis hodie populi cura est commissa regundi:  
 Si, quos infestat regni ambitiosa libido,  
 qui de Consulibus spondent sibi fulva metalli  
 pondera, præturam rictu venantur anbelo,  
 112. quique edilitii lucrum meditantur honoris,  
 hæcce magistratûs odiosa gravamina scirent,  
 sat scio, non adeò spumarent turbida sceptrâ—,  
 purpureas vè togas, diademata splendida, fasces,  
 grande satellitium, majestatisque decorem—,  
 obvium bumi gemmatum & si diadema jaceret,

non